

Na osnovu člana 31. Zakona o budžetima – proračunima Federacije Bosne i Hercegovina («Sl. novine F BiH», broj: 20/98), člana 3. Zakona o budžetima Unsko-sanskog kantona («Sl. list USK-a», br. 3/97), te člana 21. Statuta Općine Velika Kladuša – prečišćeni tekst («Službeni glasnik Općine Velika Kladuša», broj: 1/01 i 1/03) Općinsko vijeće općine Velika Kladuša na svojoj XXXVII sjednici održanoj 29. 12. 2003. godine, donijelo je

**O D L U K U**  
**o privremenom finansiranju Općine Velika Kladuša za period januar – mart 2004. godine**

**Član 1.**

Ovom Odlukom propisuje se način privremenog finansiranja Općine Velika Kladuša do donošenja budžeta za 2004. godinu, a najkasnije do 31. 03. 2004. godine.

**Član 2.**

Sredstva za privremeno finansiranje raspoređuju se proporcionalno vremenskom periodu privremenog finansiranja na osnovicu raspoređenih izvornih prihoda i primitaka predviđenih budžetom za 2003. godinu, a najviše do iznosa od 622.950 KM.

**Član 3.**

Ovlašćuje se Načelnik Općine i Zamjenik načelnika Općine da vrše raspodjelu sredstava iz člana 2. ove Odluke proporcionalno raspoređenim sredstvima po namjenama u budžetu za 2003. godinu.

**Član 4.**

Ova Odluka stupa na snagu danom objavljivanja u «Službenom glasniku Općine Velika Kladuša, a primjenjivat će se od 01. 01. 2004. godine.

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Husein Hadžić,ing.s.r.

Broj: 01-05-167/03  
Datum:30.12. 2003.godine  
VELIKA KLADUŠA

Na osnovu člana 4. i 54. Zakona o upravi u Federaciji Bosne i Hercegovine («Sl. novine FBiH», broj: 28/97 i 26/98) a u vezi sa članom 2. Zakona o upravi Unsko-sanskog kantona («Sl. novine USK» broj: 2/00), člana 29. i 30. Zakona o zaštiti i spašavanju ljudi i materijalnih dobara od prirodnih i drugih nesreća («Sl. novine FBiH», broj: 39/03), člana 7. i 26. Uredbe o načelima unutrašnje organizacije općinskog organa uprave - općinskih službi za upravu («Sl. glasnik USK», broj: 3/98) te člana 21. Statuta Općine Velika Kladuša - prečišćeni tekst («Sl. glasnik Općine Velika Kladuša», broj: 1/01 i 1/03), Općinsko vijeće općine Velika Kladuša na XXXVII sjednici održanoj dana 29. 12. 2003. godine, donijelo je

**O D L U K U**  
**o izmjenama Odluke o organizaciji Općinske uprave Općine Velika Kladuša**

**Član 1.**

U Odluci o organizaciji Općinske uprave Općine Velika Kladuša («Sl. glasnik Općine Velika Kladuša», broj: 4/98, 2/99 i 8/2000) u članu 4. stav 1. u tački 6. riječi «Općinski štab civilne zaštite» zamjenjuju se riječima:

«Služba civilne zaštite»

**Član 2.**

Član 10. mijenja se i glasi:

«Služba civilne zaštite obavlja poslove propisane Zakonom o zaštiti i spašavanju ljudi i materijalnih dobara od prirodnih i drugih nesreća.»

**Član 3.**

U članu 15. riječi «kao i Općinski štab civilne zaštite» se brišu.

**Član 4.**

Ova Odluka stupa na snagu danom objavljivanja u («Službenom glasniku općine Velika Kladuša»).

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Husein Hadžić,ing.s.r.

Broj: 01-05-168/03  
Datum:30.12. 2003.godine  
VELIKA KLADUŠA

Na osnovu člana 21. Statuta Općine Velika Kladuša-Prečišćeni tekst («Sl. glasnik Općine Velika Kladuša», broj: 1/2001 i 1/2003) i člana 86., 94., 107,108 i 109. Poslovnika Općinskog vijeća Općine Velika Kladuša-Prečišćeni tekst («Sl. glasnik Općine Velika Kladuša», broj: 1/2001 i 1/2003), a nakon provedene rasprave po Nacrtu Odluke o Budžetu Općine Velika Kladuša 2004.godinu, Općinsko vijeće Općine Velika Kladuša na XXXVII sjednici održanoj dana, 29.12.2003.godine, d o n i j e l o j e :

**Z A K L J U Č A K**

**I**

1. PRIHVATA SE Nacrt Odluke o Budžetu općine Velika Kladuša za 2004. godinu i upućuje na javnu raspravu u skladu sa Poslovníkom Općinskog vijeća općine Velika Kladuša radi davanja prijedloga i sugestija za izradu što kvalitetnijeg i objektivnijeg prijedloga Odluke o budžetu općine Velika Kladuša za 2004. godinu.

2. Prihvaćeni Nacrt odluke o budžetu općine Velika Kladuša za 2004. godinu poslužiti će kao dobra osnova za vođenje javne rasprave po istom koja će trajati 15 dana po stavljanju Nacrta

Odluke o budžetu općine Velika Kladuša za 2004. godinu na javnu raspravu.

3. Zadužuje se Služba za privredu i finansije da, nakon provedene javne rasprave po navedenom Nacrtu, sve date prijedloge od strane vijećnika na sjednici Općinskog vijeća kao i date prijedloge i sugestije i pristigle zahtjeve u toku javne rasprave, sačini prijedlog Odluke o budžetu općine Velika Kladuša za 2004. godinu za narednu sjednicu Općinskog vijeća.

## II

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA KLADUŠA  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Husein Hadžić, ing.s.r.

Broj: 01-05-169/2003.  
Datum: 30.12.2003.godine  
VELIKA KLADUŠA

Na osnovu člana 21. Statuta Općine Velika Kladuša-Prečišćeni tekst («Sl. glasnik Općine Velika Kladuša», broj: 1/2001 i 1/2003) i člana 86. i 94. Poslovnika Općinskog vijeća Općine Velika Kladuša-Prečišćeni tekst («Sl. glasnik Općine Velika Kladuša», broj: 1/2001 i 1/2003), a nakon provedene rasprave po Informaciji o radu Centra za socijalni rad na sprječavanju alkoholizma i narkomanije kod maloljetnika sa prijedlogom mjera, Općinsko vijeće Općine Velika Kladuša na XXXVII sjednici održanoj dana, 29. 12. 2003. godine, u s v o j i o j e :

## ZAKLJUČAK

### I

1. PRIHVATA se Informacija o radu JU Centar za socijalni rad Velika Kladuša na sprječavanju alkoholizma i narkomanije kod maloljetnika sa prijedlogom mjera.

2. Za provođenje tačke I ovog Zaključka zadužuje se JU Centar za socijalni rad.

### II

PRIHVATAJU se zaključci sa sastanka održanog 17. 12. 2003. godine u organizaciji Zamjenika načelnika:

1. Da se organizuju timovi iz grupacija pedagoga, psihologa, socijalnih radnika, zdravstvenih radnika koji će sačiniti programe mjera u prevenciji od svih vrsta ovisnosti,

2. Da sociolozi i nastavnici koji u školama vode nastavu iz predmeta Demokratija i ljudska prava na najbolji način educiraju omladinu u svojim školama počevši od VII razreda,

3. Da Radio stanica Velika Kladuša kroz kontakt emisije organizira razgovore o drogama i posljedicama njenog uzimanja,

4. Preporučuje se kantonalnoj i federalnoj zakonodavnoj vlasti da se po mogućnosti izvrši usklađivanje, Zakona o turističko-ugostiteljskoj djelatnosti i Zakona o javnom redu i miru i da se u iste ugrade strožije pravne norme na sprječavanju narkomanije, alkoholizma i drugih poroka štetnih za sve one koji ovo konzumiraju i time nanose sebi štetu svojim roditeljima i društvu u cjelini.

5. Da Služba za obnovu, razvoj i poduzetništvo na osnovu sadašnjih postojećih zakonskih propisa izvrši usklađivanje Odluke o radnom vremenu turističko-ugostiteljskih objekata,

6. Da Služba za urbanizam i prostorno uređenje u skladu sa urbanističko-planskom dokumentacijom ponudi Općinskom vijeću idejno rješenje ograđivanja cjelokupnog kompleksa školskih objekata osnovne škole »Zijad Šetkić« i srednje škole u Velikoj Kladuši,

7. Inicirati formiranje udruženja antiovisnika,

8. Pozivamo Medžlis IZ-e da putem nastavnika i profesora vjeronauke ukazuje na opasnost i štetnost narkomanije, alkoholizma i drugih poroka,

9. Da inicijativa grupe na osnovu dobivenih prijedloga od predloženih timova sačini konkretan program prevencije.

### III

#### III – ZAKLJUČCI SA SJEDNICE VIJEĆA:

1. Da se sugeriše nadležnim općinskim i kantonalnim organima da poštuju Zakone koji regulišu pitanja o minimalnoj udaljenosti objekata u kojima se prodaje alkohol i cigarete od škole.

2. Da nadležni Općinski organ uprave izvidi mogućnost obezbjeđenja finansijskih sredstava kroz budžet u iznosu od 20.000 KM ili neki drugi po mogućnosti iznos u svrhu izrade programa koji će u sebi sadržavati podršku mladima u bavljenju sa kulturom, sportom i humanitarnim radom.

3. Da se putem nadležne inspeksijske službe nalože vlasnicima napuštenih objekata određene mjere za osiguranje objekata, kako se u iste ne bi okupljali mladi i bavili se štetnim i nedozvoljenim radnjama, koje bi štetile njima, njihovim porodicama i društvu u cjelini.

4. Da se putem Radio Velike Kladuše građanstvo upozna o zabrani reklama o alkoholu, pušenju i drugim porocima koje ugrožavaju prvenstveno omladinu, roditelje, kao i širu društvenu zajednicu.

5. Da Služba prostornog uređenja, resursa i zaštite okoline izvidi način i mogućnost izgradnje sportske dvorane.

#### IV

Na osnovu iznijetih mjera u Informaciji, Zaključaka sa sastanka održanog 17. 12. 2003. godine u organizaciji Zamjenika općinskog načelnika i zaključaka donijetih na samoj sjednici Općinskog vijeća, Zamjenik općinskog načelnika, odnosno pod njenim nadzorom stručna grupa formirana 12. 12. 2003. godine sačinice program sa svim mogućim elementima strategije u cilju smanjenja narkomanije na području Općine Velika Kladuša u saradnji sa JU Centar za socijalni rad Općine Velika Kladuša.

#### V

Iz tačke IV ovog Zaključka Zamjenik općinskog načelnika će u pismenoj formi dostaviti Program Općinskom vijeću na verifikaciju – usvajanje.

#### VI

Ovaj Zaključak stupa na snagu po objavljivanju u «Službenom glasniku Općine Velika Kladuša».

OPĆINA VELIKA Gladuša  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Husein Hadžić,ing.s.r.

Broj: 01-05-170/2003.  
Datum: 30.12.2003.godine  
VELIKA Gladuša

Na osnovu člana 21. Statuta Općine Velika Kladuša-Prečišćeni tekst («Sl.glasnik Općine Velika Kladuša», broj: 1/2001 i 1/2003) i člana 86. i 94. Poslovnika Općinskog vijeća Općine Velika Kladuša-Prečišćeni tekst («Sl. glasnik Općine Velika Kladuša», broj: 1/2001 i 1/2003), a nakon provedene rasprave po Informaciji o implementaciji imovinskih zakona, Općinsko vijeće Općine Velika Kladuša na XXXVII sjednici održanoj dana, 29.12.2003.godine, u s v o j i l o j e :

### ZAKLJUČAK

#### I

PRIHVATA se Informacija o implementaciji imovinskih zakona u Općini Velika Kladuša, bez primjedbi.

#### II

Ovaj Zaključak stupa na snagu po objavljivanju u «Službenom glasniku općine Velika Kladuša».

OPĆINA VELIKA Gladuša  
OPĆINSKO VIJEĆE

PREDSJEDAVAJUĆI  
OPĆINSKOG VIJEĆA  
Husein Hadžić,ing.s.r.

Broj: 01-05-171/2003.  
Datum: 30.12.2003.godine

VELIKA Gladuša

### ISPRAVKA

Odluke o izmjenama i dopunama Odluke o uvođenju Spomen plakete

U članu 1. Odluke o izmjenama i dopunama Odluke o uvođenju Spomen plakete br. 01-05-9/03. od 29. 01. 2003. godine treba dodati «briše se riječ «Spomen»», koja se potkrala kao tehnička greška prilikom kucanja odluke.

Sekretar  
Općinskog vijeća  
Safet Nokto,s.r.